

Broj protokola: 288/12
17.09.2012.

POZIV ZA MEDIJE

Poštovani,

Centar za kulturu dijaloga nastavlja promovirati prava osoba zaraženih HIV-om i oboljelih od AIDS-a kroz posebno kreirane aktivnosti namijenjene učenicima osnovnih i srednjih škola i njihovim nastavnicima i profesorima.

Izuzetna nam je čast pozvati vas na 3. Seminar i interaktivnu radionicu „Kroz debatu saznajmo više o HIV-u“ čije održavanje i implementaciju podržava UNDP. **Seminar će biti održan 28.09. – 30.09.2012. u hotelu „Grand“ u Sarajevu. Otvaranje seminara je predviđeno u petak 28.09. u 17.30 sati.**

Na seminaru će učestvovati učenici, nastavnici i profesori iz sljedećih gradova: Bijeljine, Bosanske Krupe, Brčkog, Čelića, Goražda, Gračanice, Doboj Istoka, Donjeg Vakufa, Hadžića, Ilijaša, Istočnog Sarajeva, Kladnja, Konjica, Mostara, Novog Grada, Pala, Rogatice, Sanskog Mosta, Sapne, Sarajeva, Srebrenika, Srpa, Tešnja, Tuzle, Visokog, Vlasenice, Zenice i Živinica.

Tokom seminara mladi i njihovi profesori će kreirati posebne case study-je koji su u vezi sa obrazovanjem HIV pozitivnih osoba i zapošljavanjem u obrazovnim institucijama.

Mladi će kroz interaktivne radionice, kreativni rad i zajedničko druženje, kreirati materijale u kojima će pokazati svoja znanja i prezentirati vještine koje su usvojili tokom Seminara. Osnovni cilj radionica jeste povećanje svijesti o opasnostima koje HIV nosi i smanjenje stigme ljudi zaraženih HIV-om, odnosno oboljelih od AIDS-a.

Seminar je posebno značajan jer će tokom Seminara mladi kreirati posebne zaključke u vezi sa statusom i položajem HIV pozitivnih osoba i osoba oboljelih od AIDS-a u Bosni i Hercegovini, sa posebnim osvrtom na ljudska prava takvih osoba.

Osnovna uloga Seminara je podizanje svijesti javnosti, i to posebno jer se realizira u vremenskom periodu kada HIV i AIDS u medijima nisu aktualna tema. Iskreno se nadamo da će vaš medij prepoznati aktualnost teme i da će cijeloj BiH prenijeti sve aspekte Seminara, na taj način osvještavajući javnost BiH o HIV/AIDS-u. **Kroz pomoć medija u kreiranju javne slike o zaraženima od HIV-a i oboljelima od AIDS-a, moguće je unaprijediti kvalitetu života zaraženih i oboljelih, i na taj način pokazati svijetu da BiH može i treba biti dio globalne akcije borbe protiv ovog opakog virusa i stravične bolesti.**